

BILBON MUGIKORTASUN JASANGARRIAN ZUZENEAN KONTSUMITZEA SUSTATZEKO BONUEN PROGRAMAKO OINARRI ARAUTZAILEAK

1.- ZIOEN AZALPENA

Bilbao Ekintza, EPEL (aurrerantzean, Bilbao Ekintza) Bilborako ekonomia- eta gizarte-jarduera sortzea sustatzen duen udal-erakundea da; horretarako, hiria bultzatzen du inbertitzeko leku erakargarri gisa eta enpresak sortzen eta hazten laguntzen du, eta laneratzeko aukerak hobetzen ditu. Bere helburuen artean dago, halaber, hiria kultura- eta aisialdi-helmuga gisa nazioarteko turismoan kokatzea eta sustatzea, hirian aberastasuna dinamizatzen eta sortzen lagunduz.

Era berean, Bilboko Udaleko Mugikortasun eta Jasangarritasun Arloak bizikleta erabiltzea erraztu eta sustatu nahi du, kutsadura akustikoa, berotegi-efektuko gasen igortzeak eta energia kontsumitzea murrizteko. Hori guztia 2019-2023 Agintaldi Planean ezarritakoarekin bat etorritik.

Hori dela eta, BILBOKO BONUEN bitartez mugikortasunaren sektorean zuzenean kontsumitzeko pizgarrien programa bat abiarazi nahi da ingurumen-jasangarritasunaren, irisgarritasunaren eta hiri-berroneratzearen aldeko apustua egiteko, Bilbo jasangarria garatzeko oinarri gisa, bai eta Bilboko ekonomia eta enplegua suspertzeko ere.

Azaldutakoa oinarri hartuta, deialdi honen inguruabarrek Administrazio Kontseiluaren alde aitortutako eskumenak erabiltzea eragozten dutela kontuan hartuta eta Bilbao Ekintza EPELeren Estatutuen 10.3. artikuluari jarraikiz, Bilbao Ekintzako Presidentetzak Bilboko merkataritzan zuzenean kontsumitzea sustatzeko programaren deialdi hau onetsi du 2022ko apirilaren 1ean.

2.- PROGRAMAREN XEDEA ETA HELBURUAK

Programaren xedea da BILBAO BONUAK bonuen sistema arautzea. Bonuen bitartez, bizikleta erabiltzea eta aldi berean herritarrek Bilboko establezimenduetan kontsumitzea sustatu nahi da, udalerriko merkataritza-jarduera suspertzea errazteko.

3.- PERTSONA ONURADUNAK

Programaren onuradun izango dira Bilbon etxebizitza duten 18 urtetik gorako pertsona fisikoak baldin eta Bilboko Udalak, Bilbao Ekintzaren bitartez, ezarritako bitarteko eta bideen bidez salgai jartzen dituen bonuetako bat erosten badute.

Bonuen banaketa NAN edo AIZ zenbaki bati lotuta egingo da. Horrela, zenbaki bakoitzarekin bonu 1 edo 2 eskuratu ahal izango dira, modalitatearen arabera.

Bonuak eskuratzen dituzten pertsonak hurrengo apartatuan adierazitako zenbatekoak ordaindu beharko dute, eta Bilbao Ekintzak egiten duen ekarpena izango da dirulaguntza, funts galdurako eta itzuli beharrik gabekoa.

Herritarrek ordaindutako zenbatekoaren eta Bilbao Ekintzak egindako ekarpenaren baturak zehaztuko du bonuaren balio faziala (balio osoa).

4.- DIRULAGUNTZA JASO DEZAKETEN GASTUAK ETA BONU-MOTAK

Bilbon zuzenean kontsumitzea sustatzeko programan, BILBAO BONUAK, bi motatako bonuak egongo dira aurrerago zehaztutako zenbatekoen truke.

Diruz lagunduko diren gastuak izango dira oinarri hauetan xedatutako ondorioetarako honako honekin bat etorritz aplikatzen den hoberia:

BONU-MOTAK	MODALITATEA	BONUAREN PREZIOA	UDALAREN EKARPENA	BONUAREN BALIO OSOA (FAZIALA)
------------	-------------	------------------	-------------------	-------------------------------

1. MOTA	BIZIKLETA KONPONTZEA/MANTENTZE- LANAK	25,00 euro	25,00 euro	50,00 euro
2. MOTA	BIZIKLETA ELEKTRIKOA EROSTEA	200,00 euro	200,00 euro	400,00 euro

1. MOTA BIZIKLETA KONPONTZEA/MANTENTZE-LANAK.

Mantentze-lanak izango dira bizikleta erabiltzeko moduan uztea, honako hauek kontuan hartuta: garbitzea eta koipetzea, gurpilak zentratzea eta egokitzea edo erradioak aldatzea, balaztak edo kanbioak egokitzea. Bestalde, honako hauek konpondu ahal izango dira: balazta-sistema, errodamenduak, katea, kanbioak, zulatzeak, kamerak edo estalkiak aldatzea eta abar.

2. MOTA. BIZIKLETA ELEKTRIKOA EROSTEA

Hiri-motako lagundutako bizikletatzat joko da baldin eta honako hauetan jasotako ezaugarri teknikoak betetzen baldin baditu eta fabrikatzaileak hiriko, paseoko edo city kontzeptuko bizikleta gisa sailkatzen badu: Europako Parlamentuaren eta Kontseiluaren 2013ko urtarilaren 15eko (UE) N. 168/2013 Erregelamendua eta UNE-EN 15194:2018 arauan ezarritako baldintzak. Kirol-bizikleta guztiak baztertuko dira (errepidekoak edo mountain bike), bai eta haurrentzako bizikletak ere.

5. FINANTZAKETA

Bonuak finantzatzeko gehieneko kreditua 80.000,00 euro izango da, honela banakatuta:

BONU-MOTAK	MODALITATEA	GEHIENEO KREDITUA
1. MOTA	BIZIKLETA KONPONTZEA/MANTENTZE- LANAK	30.000 euro
2. MOTA	BIZIKLETA ELEKTRIKOA EROSTEA	50.000 euro

6. PROGRAMAREN INDARRALDIA

Onuradunek programa hasten denetik eta 2022ko urriaren 31ra arte erosi ahal izango dituzte bonuak, edo agortu arte. Amaiera aldatu ahal izango da Bilbao Ekintzaren Zuzendaritza Nagusiaren ebazpen baten bidez, eta ebazpen horren berri emango da deituko den hurrengo administrazio kontseiluan. Aldaketaren berri emateko hasierako deialdiari egin zitzaion publizitate bera egingo zaio.

Bonuak herritarrei salgai jartzeko orduan, Eusko Jaurlaritzako Osasun Sailak egoera epidemiologikoaren bilakaeraren ondorioz hartzen dituen prebentzio-neurri espezifikoak hartuko dira aintzat, bai eta programa ondo garatzea edo programaren helburuak hobeto lortzea eragiten duen beste edozein inguruabar ere.

Bestalde, gastua, gehienez ere, 2022ko urriaren 31n egin beharko da, eta data horren ostean egindako erosketak ez dira diruz lagunduko. Datari dagokionez, fakturan/tiketean jasotakoa beteko da, eta ez da onartuko geroagoko fakturarik.

Hala ere, Bilbao Ekintzak programaren indarraldia luzatu ahal izango du, Zuzendaritza Nagusiaren ebazpenaren bidez, baldin eta behar bezala justifikatutako interes publikoko arrazoiak badaude eta hala egitea komeni bada. Lehenengo paragrafoan jasotako kasuan bezala, erabaki hori Administrazio Kontseiluari jakinaraziko zaio eta argitaratu egingo da.

7. ESTABLEZIMENDUAK ATXIKITZEKO PROZEDURA ETA BALDINTZAK:

Atxikitako erakundeak

Kanpaina honi atxikitako erakundetzat jo ahal izango da sektorearen barruan enpresa-jarduera duen pertsona fisiko edo juridiko oro, baldin eta Bilbon establezimendu ireki bat badu eta agiri honen I. eranskinean zerrendatutako jarduera ekonomikoen gaineko zergaren epigraferen batean alta emanda badago.

Salbuespen gisa, aipatutako eranskinean adierazitako beste talde eta/edo epigrafe batzuetan dauden enpresek parte hartu ahal izango dute, baldin eta Bilbao Ekintzak uste badu horien ezaugarriak eta jarduera bat datozela programa honen izaerarekin eta helburuekin.

Programa honi atxikitako erakundeak erakunde laguntzailatzat joko dira, Dirulaguntzei buruzko azaroaren 17ko 38/2003 Lege Orokorrean xedatutakoaren arabera, eta arau horretan dirulaguntzak kudeatzeko erakunde laguntzaileentzat aurreikusitako araubide juridikoa aplikatuko zaie.

Kanpainan parte hartzeko prozedura.

Kanpainan parte hartzeko, erakundeak edo establezimenduak atxikitzea eskatu beharko du. Eskabideak, inprimaki elektronikoaren ereduaren arabera, Bilbao Ekintzak horretarako garatutako plataforma teknologiko honen bidez aurkeztu beharko dira: www.bonobilbao.eus

Atxikitzeko eskaerarekin batera, deialdi honen II. eranskinean zehazten diren agiriak aurkeztu beharko dira.

Eskabide-orriak edo harekin batera aurkeztu beharreko dokumentazioak akatsen bat badu edo osagabeak badira, erakunde interesdunei bost egun balioduneko epea emango zaie antzemandako akatsak zuzentzeko. Epe hori igarotakoan akatsik egin ez

badute, eskaeran atzera egin dutela iritziko da, urriaren 1eko 39/2015 Legearen 21. artikuluan ezarritako eran emango den ebazpenaren ondoren.

Eskabidea eta aurkeztutako dokumentazioa egiaztatu ondoren, bonuen kanpainan atxikitako erakunde gisa onartu edo baztertu dela jakinaraziko da, emandako posta elektronikoaren bidez.

Beste erakunde-kanpaina batzutan atxikita dauden eta baimena eman duten entitate eta establezimenduak berez egongo dira programa honi atxikita, betiere, bertan ezarritako baldintzak onartzen badituzte eta deialdian eskatzen den dokumentazioa aurkezten badute, eta eskaera aurkeztetik salbuetsita egongo dira, apartatu honetan adierazitako baldintzetan, Administrazio Publikoetako Administrazio Prozedura Erkideari buruzko urriaren 1eko 39/2015 Legearen 53. 1.d) artikuluan ezarritakoarekin bat etorritik.

Kanpainan parte hartzeko eskabidea aurkezteko epea.

Bilbao Ekintzako zuzendari nagusiaren ebazpen baten bidez zehaztuko da establezimenduek eta enpresek bat egiteko epea hasteko eguna, eta entitatearen webgunean argitaratuko da. Atxikitzeko eskaerak aurkezteko epea irekita egongo da programak iraun bitartean.

8. BONUEN EZAUGARRIAK ETA ERABILERA-BALDINTZAK

Bonuak erostea:

Herritarrek atxikitako establezimenduetan eskuratu ahal izango dituzte bonuak, NANA aurkeztuz eta eskuratzen diren unean bertan ordainduz. Bonua eskuratzen den unean bertan egiaztatuko da Bilbon bizitzearen baldintza, eta, horretarako, aurkezten den identifikazio-agirian jasota dagoen helbidea izango da kontuan.

Kreditu- edo zorduntze-txartelarekin edo eskudirutan ordaindu ahal izango da erosketa.

Bonuak programa indarrean dagoen bitartean erosi ahal izango dira, baldin eta finantzatzeko kreditu nahikoa badago.

Erositako bonuak itzultzea

Bonua erosteko prozesua amaitzen denean, ezin izango da aldaketa edo itzulketarik egin, eta erosleak du kanpaina honi dagozkion baldintzak, betekizunak eta betebeharrak aldeztuz aurretik eta osorik zein diren jakiteko ardura.

Bonuen trukea

Bonuak eskuratu diren establezimenduan bertan trukatu beharko dira.

Erabiltzaileak bonuaren QR kodea aurkeztu beharko du edo, hala badagokio, erosketa egingo duen establezimenduan inprimatutako bonuak entregatu.

Erosketa-tiketaren zenbatekoa bonuaren berdina edo handiagoa izan behar da, erosketa eta/edo kontsumizio-aldi bakoitzean oso-osorik agortzeko modukoa.

Dirua ezin izango da inola ere eskudirutan itzuli, ez erosketa egiten den unean ez bonuarekin eskuratutakoa ordaintzean zenbatekoren bat itzuli behar bada.

Hauxe izango da erosketa-tiket bakoitzeko erabili daitekeen BIZIKLETA BILBAO BONUen kopurua:

1. MOTA BIZIKLETA KONPONTZEA/MANTENTZE-LANAK	Gehienez 2 bonu NAN eta tiket bakoitzeko
2. MOTA BIZIKLETA ELEKTRIKOA EROSTEA	Gehienez 1 bonu NAN eta tikek bakoitzeko

BIZIKLETA BILBAO BONUAK bateragarriak izango dira beste administrazio batzuetan martxan jartzen diren eta helburu berberekin aplika daitezkeen beste edozein bonurekin, Bilbao Ekintzak dituenekin ere bai, eta tiket berean jasotzen den erosketan

pilatu ahal izango dira. Aitzitik, ez da inolaz ere onartuko erosketa berean 2. motako BIZIKLETA BILBAO BONU bi aplikatzea.

Nolanahi ere, ematen den dirulaguntzaren zenbatekoak, bakarka hartuta edo beste dirulaguntza, laguntza eta gainerako diru-sarrerekin batera, ezin izango du diruz lagundutako erosketaren balioa gainditu.

Muga

Hauxe da establezimendu bakoitzean bonu-mota bakoitzagatik dagoen muga:

1. MOTA BIZIKLETA KONPONTZEA/MANTENTZE-LANAK	Bonu-mugarik gabe
2. MOTA BIZIKLETA ELEKTRIKOA EROSTEA	30 bonu establezimendu bakoitzeko

Muga hori handitu ahal izango da, baldin eta eskariaren egoerak hala gomendatzen badu, ahalik eta bonu gehien banatu ahal izateko.

Nola egin bonuen likidazioa Udalarekin.

Likidatzeko orduan, atxikitako entitateak plataformaren bitartez erregistratu beharko dituzte bonuak eta dagokien salmentaren tiketa edo faktura.

Udalak, Bilbao Ekintzaren bitartez, astero-astero (lehenengo multzoan izan ezik, trukeak hasi eta 15 egunera egingo delako) ordainduko die establezimenduei une horretara arte aurkezten dituzten bonuen zenbatekoa, banku-transferentziaren bitartez emandako kontu korrontean.

Bilbao Ekintzak, laginketa-tekniken bidez, bonuen aplikazio egokiari buruzko arrazoizko ebidentzia lortzea ahalbidetzen duten frogagiriak egiaztatuko ditu. Horretarako, aipatutako frogagiriak bidaltzeko eskatuko dio atxikitako erakundeari.

9. PROGRAMA OSATZEN DUTEN ALDERDIEN ESKUBIDEAK ETA BETEBEHARRAK

Onuradunen eskubideak eta betebeharra

Kontsumitzaile batek bonuak erosteak dokumentu honetan jasotzen diren kanpainako baldintzak onartzea dakar.

Onuradunek erosten dutenean ordainduko dute bonuaren zenbatekoa, eta atxikitako establezimenduetan nahiz enpresetan trukatu ahal izango dituzte adierazitako muga-eguna baino lehen.

Atxikitako establezimenduen eskubideak eta betebeharra.

Establezimendu batek bonuen kanpainarekin bat egiten badu, oinarriak onartu dituela joko da, bai eta oinarrietan ezarritako konpromisoak bere gain hartzen dituela ere. Hori dela eta, Bilbao Ekintzak egiten dituen egiaztatze eta kontrolatzeko jarduketak onartuko ditu, eta horiek egin ahal izateko eskatzen zaion informazio guztia aurkeztuko du.

Atxikitako entitateek honako konpromiso hauek hartzen dituzte: kontsumitzaileei programaren ezaugarrien berri ematea, programa iragartzeko materialak hartzea eta establezimenduan ondo ikusteko moduko leku batean jartzea. Gainera, deialdi honetan establezimendu bakoitzerako adierazitako bonuen mugara iristen direnean kendu beharko dituzte materialak.

Establezimenduak bonua onartuko du tiketa ordaintzeko ordezkotik gisa, erosketatik osorik edo zati batean ordaintzeko, eta une oro errespetatu beharko ditu bezeroari tratatzeko berdintasunaren eta diskriminazio ezaren printzipioak. Hori horrela, programa indarrean dagoen bitartean, ezin izango da bonuaren programa ezkutatu edo bonua erabiltzeko eskubidea ukatu.

Atxikitako entitateak arduratuko dira bonua eskuratzen duen pertsona Bilbon bizi dela egiaztatzeaz. Bonua eskuratzen den unean bertan egiaztatuko da hori, horretarako aurkezten duten identifikazio-agiria aztertuz.

Atxikitako entitateek bonuak benetakoak eta baliagarriak direla egiaztatzeko konpromisoa hartzen dute, eta haiek arduratuko dira erosketa-tiketaren edo fakturaren bitartez Bilbao Ekintzaren aurrean bonua erabili ahal izateko beharrezkoak diren zenbatekoak egiaztatzeaz eta justifikatzeaz.

Kontsumitzaileei ez zaie inola ere eskudirutan itzuliko erosketaren zenbatekoaren eta BILBOKO BONUaren balioaren arteko aldea, ez erosteko unean, ez erositakoa geroago itzultzen bada ere.

Kontsumitzaileak bonua erabili ondoren, entitatea baino ez da izango bonua ondo kudeatzearen arduraduna, eta salmentaren tiket edo faktura egokiarekin batera aurkeztu beharko du plataforma elektronikoaren bitartez, Udalean behar bezala likida dadin.

Iruzurrezko erabilera edo praktikaren bat egiten bada bonuekin, horrelakorik egin duen pertsona programatik kanpo uzteko beharrezkoak diren neurriak hartuko dira, bai eta legez egokiak diren neurri guztiak ere, jasotako funts publikoak itzultzea barne.

Amaitzeko, atxikitako entitateek kanpaina egiteko aukera ematen ez dien edozein gorabeheraren berri emateko konpromisoa hartzen dute.

10.- INTERPRETAZIOA

Bilbao Ekintzak eskubidea gordeta du egoera zalantzarrietan oinarri hauek interpretatzeko, eta bere erabakiak behin betikoak izango dira.

Horri dagokionez, deialdi honetako punturen batean zerbait garatu, aldatu, egokitu edo kendu behar izanez gero, funtsa aldatu gabe, Bilbao Ekintza EPELeke Zuzendaritza Nagusiari ematen zaio aldaketa horiek egiteko eskumena, baina Administrazio Kontseiluari horren berri eman beharko dio neurriak hartu ondoren egiten den hurrengo bileran.

11. APLIKATU BEHARREKO LEGERIA

Oinarri hauetan ezarritakoaz gain, honako hauetan xedatutakoa beteko da

- Bilboko Udalak eta bere organismo eta zuzenbide publikoko erakundeek deialdi bidez dirulaguntzak emateko oinarriak arautzen dituen Ordenantza Orokorra (2016ko uztailaren 20ko BAO),
- Dirulaguntzen azaroaren 17ko 38/2003 Lege Orokorrean eta hori garatzen duen erregelamendu-araudia.

Halaber, dirulaguntzen arloan honako hauek ezartzen dutena aplikatuko da:

- Eusko Legebiltzarraren 4/2005 Legea, otsailaren 18koa, Emakumeen eta Gizonen arteko berdintasunerakoa, eta gainerako araudi osagarria;
- Gardentasunari, informazioa eskuratzeari eta gobernu onari buruzko abenduaren 9ko 19/2013 Legearen I. Titulua.
- Administrazio Prozedura Erkidearen urriaren 1eko 39/2015 Legea eta Sektore Publikoaren Araubide Juridikoaren urriaren 1eko 40/2015 Legea.
- 2/2016 Legea, apirilaren 7koa, Euskadiko Toki Erakundeei buruzkoa.